

# বৈদেশিক মুদ্রা নীতি বিভাগ

বাংলাদেশ ব্যাংক

প্রধান কার্যালয়

ঢাকা।

বাংলাদেশ ব্যাংক ওয়েব সাইট : www.bangladeshbank.org.bd

পৌষ ১৬, ১৪১৭ বাং

তারিখ : -----

ডিসেম্বর ৩০, ২০১০ ইং

এফ,ই সার্কুলার নং ২৮

বৈদেশিক মুদ্রায় লেনদেনের  
সকল অনুমোদিত ডিলার।

প্রিয় মহোদয়গণ,

## **ক্ষুদ্র ও মাঝারি তৈরী পোশাক/বস্ত্র সামগ্রী (SME) রপ্তানিকারকদের বিশেষ সুবিধা প্রদান প্রসংগে।**

শিরোনামোক্ত বিষয়ে সংশ্লিষ্ট সকলের দৃষ্টি আকর্ষণপূর্বক জানানো যাইতেছে যে, সরকার কর্তৃক ক্ষুদ্র ও মাঝারি তৈরী পোশাক/বস্ত্র সামগ্রী (SME) রপ্তানিকারকগণকে “বৈশ্বিক অর্থনৈতিক মন্দা মোকাবেলায় ক্ষুদ্র ও মাঝারি তৈরী পোশাক/বস্ত্র সামগ্রী (SME) রপ্তানিকারকদের জন্য বিশেষ সুবিধা” প্রদানের সিদ্ধান্ত গ্রহণ করা হইয়াছে। এই বিশেষ সুবিধা জুলাই ০১, ২০১০ তারিখ হইতে জুন ৩০, ২০১১ তারিখ পর্যন্ত সময়কালে জাহাজীকৃত পণ্যের ক্ষেত্রে নিম্নবর্ণিত শর্তে কার্যকর হইবে :

(ক) এই সুবিধার আওতায় ক্ষুদ্র ও মাঝারি বস্ত্র শিল্প প্রতিষ্ঠান (SME) যাহারা ২০০৮-২০০৯ অর্থ বছরে ৩.৫০ মিলিয়ন মার্কিন ডলার পর্যন্ত রপ্তানি করিয়াছে এবং যাহাদের ক্ষেত্রে বিজিএমইএ/বিকেএমইএ/বিটিএমএ/বিটিটিএলএমইএ এর প্রত্যয়ণ সনদ রহিয়াছে তাহারা আলোচ্য বিশেষ সুবিধা প্রাপ্তির যোগ্য হইবে।

(খ) এই সকল ক্ষুদ্র ও মাঝারি তৈরী পোশাক/বস্ত্র শিল্প প্রতিষ্ঠান (SME) কোন বৃহৎ প্রতিষ্ঠানের অংগ প্রতিষ্ঠান হইবে না।

(গ) এই সুবিধা প্রাপ্তিতে দেশীয় সুতা/কাপড় ব্যবহার বা ডিউটি ড্র-ব্যাংক/বন্ডেড ওয়্যার হাউস সুবিধা যুগপৎভাবে গ্রহণ না করার শর্ত প্রযোজ্য হইবে না।

(ঘ) যে সকল ক্ষুদ্র ও মাঝারি তৈরী পোশাক/বস্ত্র শিল্প প্রতিষ্ঠান (SME) ঋণ পুনঃতফশীলকরণের সুবিধা গ্রহণ করিয়াছে সে সকল প্রতিষ্ঠানও আলোচ্য সুবিধা পাইবে।

সংশ্লিষ্ট পণ্য রপ্তানির ক্ষেত্রে রপ্তানি মূল্য বৈদেশিক মুদ্রায় প্রত্যাবাসনের সনদপত্রের ভিত্তিতে নগদ সহায়তার আবেদনপত্রের বিপরীতে পরিশোধ নিষ্পত্তির কার্যক্রমে অনুমোদিত ডিলারগণের অনুসরণীয় নির্দেশাবলী নিম্নের অনুচ্ছেদসমূহে বর্ণনা করা হইল :-

### **০২। বিশেষ সুবিধার প্রাপক পক্ষ ও প্রাপ্যতার মাত্রা :**

ক্ষুদ্র ও মাঝারি তৈরী পোশাক/বস্ত্র সামগ্রী (SME) রপ্তানিকারকদের স্থানীয় মূল্য সংযোগের ২% (দুই শতাংশ) হারে “বিশেষ সুবিধা” প্রদান করা হইবে। আলোচ্য বিশেষ সুবিধা প্রদানের ক্ষেত্রে স্থানীয় মূল্য সংযোগের হিসাবায়ন করা হইবে এফওবি মূল্যের ২৫% (পঁচিশ শতাংশ) হারে। নিজস্ব কারখানায় প্রক্রিয়াজাত/উৎপাদিত পণ্য রপ্তানির বিপরীতে উৎপাদনকারী-রপ্তানিকারকগণ আলোচ্য সুবিধার আওতাভুক্ত হইবে।

### **০৩। বিশেষ সুবিধার আবেদনপত্র দাখিলের শর্তাবলী :**

(ক) রপ্তানিকারকগণ রপ্তানি ডকুমেন্ট নেগোসিয়েশনের পর পরই ডকুমেন্ট নেগোসিয়েশনকারী অনুমোদিত ডিলার ব্যাংক শাখায় নিধারিত ফরম-ক তে বিশেষ সুবিধার জন্য আবেদনপত্র দাখিল করিতে পারিবে, তবে রপ্তানি মূল্য বৈদেশিক মুদ্রায় প্রত্যাবাসনের পরই কেবলমাত্র আলোচ্য সুবিধা পরিশোধ্য হইবে। সকল ক্ষেত্রে রপ্তানিকারকগণকে বিশেষ সুবিধার আবেদনপত্র রপ্তানিকারকের ব্যাংকের বিদেশস্থ নষ্টো হিসাবে সংশ্লিষ্ট রপ্তানি বিলের রপ্তানিমূল্য আকলনের (রপ্তানি মূল্য প্রত্যাবাসনের) তারিখের ১৮০ দিনের মধ্যে সংশ্লিষ্ট অনুমোদিত ডিলার ব্যাংক শাখায় দাখিল করিতে হইবে। তবে যে সকল পণ্য রপ্তানির বিপরীতে আলোচ্য সুবিধার আবেদনপত্র দাখিলের জন্য ইতিমধ্যে উক্ত ১৮০ দিন অতিবাহিত হইয়াছে সে সকল ক্ষেত্রে এই সার্কুলার জারির তারিখের ৬০ (ষাট) দিনের মধ্যে উক্ত প্রত্যাবাসিত রপ্তানির মূল্যের বিপরীতে বিশেষ সুবিধার আবেদনপত্র বিবেচনাযোগ্য হইবে।

চলমান পাতা - ০২

(খ) কেবলমাত্র ব্যাংকের মাধ্যমে স্থাপিত ঋণপত্র কিংবা রপ্তানি চুক্তির আওতায় রপ্তানি পরবর্তী পর্যায়ে প্রণীত রপ্তানি দলিলের বিপরীতে প্রত্যাবাসিত রপ্তানি আয় কিংবা রপ্তানি পরবর্তী পর্যায়ে ব্যাংকের মাধ্যমে প্রেরিত ডকুমেন্টারী কালেকশনের মাধ্যমে প্রত্যাবাসিত রপ্তানি আয়ই বিশেষ সুবিধার জন্য যোগ্য রপ্তানি আয় হিসাবে বিবেচিত হইবে।

(গ) রপ্তানির স্বপক্ষে প্রয়োজনীয় দলিলাদি যেমন : বিল অব লেডিং/এয়ারওয়ে বিল, কমার্শিয়াল ইনভয়েস, প্যাকিং লিষ্ট, বিল অব এক্সপোর্ট ইত্যাদি দাখিল করিতে হইবে।

**০৪। অনুমোদিত ডিলার কর্তৃক আবেদনপত্র গ্রহণ, পরীক্ষণ ও পরিশোধ নিষ্পত্তি :**

(ক) বিশেষ সুবিধার প্রাপক পক্ষের দাখিলকৃত আবেদনপত্রের সংগে ফরমের বিভিন্ন অনুচ্ছেদে যে সকল কাগজপত্র, সনদপত্র, প্রত্যয়নপত্রের উল্লেখ আছে ঐগুলি সম্পূর্ণ ও পূর্ণাঙ্গ আকারে আবেদনপত্রের সহিত সংযোজিত থাকিবার বিষয়টি প্রাথমিক পরীক্ষণে নিশ্চিত হইয়া লইতে হইবে। বিশেষ সুবিধার আবেদনপত্রের সাথে ক্ষুদ্র ও মাঝারি বস্ত্র শিল্প প্রতিষ্ঠান (SME) হওয়া স্বপক্ষে বিজিএমইএ/বিকেএমইএ/বিটিএমএ/বিটিটিএলএমইএ এর প্রত্যয়ন সনদ (প্রথম অনুচ্ছেদের (ক) উপঅনুচ্ছেদ মোতাবেক) এবং সংযোজিত ছক (ফরম-ঘ) মোতাবেক সনদপত্র দাখিল করিতে হইবে। সনদপত্র/প্রত্যয়নপত্রসমূহের মধ্যে যেগুলি ব্যাংক শাখা কর্তৃক প্রণীত হয় বা ডকুমেন্টস নেগোসিয়েশন উপলক্ষ্যে ব্যাংক শাখা কর্তৃক প্রক্রিয়াকৃত হয় সেগুলির যথার্থতা ও সেগুলিতে উল্লিখিত তথ্যাদির শুদ্ধতার বিষয়টিও সংশ্লিষ্ট ব্যাংক শাখা কর্তৃক নিশ্চিত করিতে হইবে। প্রাথমিক পরীক্ষণে পরিলক্ষিত ত্রুটি/অসম্পূর্ণতাসমূহের বিষয়ে অনুমোদিত ডিলার ব্যাংক শাখা কর্তৃক আবেদনপত্র প্রাপ্তির তিন কার্যদিবসের মধ্যে লিখিতভাবে আবেদনকারী প্রতিষ্ঠানকে অবহিত করিতে হইবে।

(খ) আবেদনকারী প্রতিষ্ঠানের উৎপাদন ক্ষমতার সাথে আবেদনপত্রে উল্লিখিত রপ্তানি সামঞ্জস্যতা সম্পর্কে নিশ্চিত হওয়ার লক্ষ্যে প্রয়োজ্য কাগজপত্রাদিসহ প্রয়োজনীয় ক্ষেত্রে আবেদনকারী হইতে অতিরিক্ত ব্যাখ্যা/তথ্যাদি প্রাপ্তি এবং রপ্তানি ও রপ্তানিমূল্য প্রত্যাবাসনের বিষয়ে ব্যাংক শাখার স্বীয় রেকর্ড হইতে/প্রয়োজ্য ক্ষেত্রে অন্য ব্যাংক শাখা হইতে সংগৃহীত তথ্যাদি/সনদপত্র সংযোজনান্তে আবেদনপত্র পূর্ণাঙ্গ ও সম্পূর্ণ আকারপ্রাপ্ত হইবার পর অনুমোদিত ডিলার পরিশোধযোগ্য অংক নিরূপন করিবে। সংশ্লিষ্ট আবেদনপত্র ফরম এর অনুমোদিত ডিলার ব্যাংক শাখা কর্তৃক ব্যবহারের জন্য নির্ধারিত অংশের নির্দেশনাসমূহ পর্যায়ক্রমিকভাবে অনুসরণ করিয়া এই প্রক্রিয়া সম্পন্ন করিতে হইবে।

(গ) সংশ্লিষ্ট ব্যাংকের প্রধান কার্যালয়ের হিসাব বিকলন করিয়া শাখা আবেদনপত্রের বিপরীতে বিশেষ সুবিধা পরিশোধ করিবে। প্রতিমাসে শাখার সম্পাদিত সকল পরিশোধের বিষয়ে বিবরণী ফরম-খ তে প্রদত্ত ছক অনুসারে পরবর্তী মাসের প্রথম সপ্তাহের মধ্যে ব্যাংকের প্রধান কার্যালয়ে দুই প্রস্থে প্রেরণ করিতে হইবে; ব্যাংকের প্রধান কার্যালয় সকল শাখার মাসিক পরিশোধ বিবরণীসমূহের একীভূত তথ্য বিবরণীর একটি করিয়া কপি ফরওয়ার্ডিং পত্রসহ পরবর্তী মাসের দ্বিতীয় সপ্তাহের মধ্যে বাংলাদেশ ব্যাংক, প্রধান কার্যালয়ের বৈদেশিক মুদ্রা পরিদর্শন ও ভিজিলেন্স বিভাগ বরাবর নিয়মিতভাবে প্রেরণ করিতে হইবে।

(ঘ) প্রতিক্ষেত্রে বিশেষ সুবিধা পরিশোধ অনুমোদনের সংগে সংগে সংশ্লিষ্ট রপ্তানির মূল রপ্তানিমূল্য প্রত্যাবাসন সনদপত্র (পিআরসি), বিল অব লেডিং/এয়ারওয়ে বিল, কমার্শিয়াল ইনভয়েস, প্যাকিং লিষ্ট এবং বিল অব এক্সপোর্ট এর উপরে সহজে দৃষ্টি গোচর হয় এমন স্থানে বিশেষ সুবিধা পরিশোধিত মর্মে সীল এবং পরিশোধ অনুমোদনকারী কর্মকর্তার স্বাক্ষর সন্নিবেশ করিতে হইবে, যাহাতে ঐ সকল দলিলাদি অন্যবিধ অপব্যবহারের সুযোগ না থাকে। একই রপ্তানির বিপরীতে একাধিকবার পিআরসি ইস্যুকৃত না হওয়ার বিষয়ে অনুমোদিত ডিলারগণকে (এফই সাকুলার নং-০৬/৯৮ এর নির্দেশনা মোতাবেক) বিশেষ সতর্কতা অবলম্বন করিতে হইবে। এই জন্য শাখায় রক্ষিত রপ্তানি রেজিস্ট্রারে সংশ্লিষ্ট রপ্তানির অন্যান্য তথ্যের সহিত প্রতি ক্ষেত্রে পিআরসি ইস্যুর তথ্য তারিখসহ সুবিধাজনকভাবে লিপিবদ্ধ রাখা যাইতে পারে।

(ঙ) বিশেষ সুবিধা প্রদানের পূর্বে প্রদেয় সহায়তার সঠিকতার বিষয়ে প্রতিটি কেইস বাংলাদেশ ব্যাংক কর্তৃক অনুমোদিত অডিট ফর্ম দ্বারা নিরীক্ষা করাইয়া লইতে হইবে। তবে নিরীক্ষা কার্যক্রম সম্পাদনের পূর্বে অর্থ পরিশোধের বিষয়ে সেপ্টেম্বর ০৮, ২০০৯ তারিখে জারিকৃত এফই সাকুলার নং ১৫ এর নির্দেশনা পরিপালনীয় হইবে।

(চ) বিশেষ সুবিধা পরিশোধ নিষ্পত্তির সকল কেইস সংশ্লিষ্ট কাগজপত্রসহ বাংলাদেশ ব্যাংকের পরিদর্শন দলের/সরকারী বাণিজ্যিক নিরীক্ষা বিভাগের নিরীক্ষা দলের পরীক্ষণের জন্য পরিশোধ তারিখ হইতে অন্যান্য তিন বৎসর মেয়াদ পর্যন্ত শাখায় সংরক্ষণ করিতে হইবে।

(ছ) রপ্তানি খাতের উন্নয়নে সরকার কর্তৃক ঘোষিত দ্বিতীয় প্রণোদনা প্যাকেজের গৃহীত পদক্ষেপ বাস্তবায়নে ক্ষুদ্র ও মাঝারি বস্ত্র শিল্পের জন্য জারিকৃত এফই সার্কুলার নং ২২, তারিখ নভেম্বর ০৯, ২০১০ ও এফই সার্কুলার নং ২৭, তারিখ ডিসেম্বর ৩০, ২০১০ যথারীতি বহাল থাকিবে। তবে অত্র সার্কুলার জারির পর এ সকল সার্কুলারসমূহের (এফই সার্কুলার নং ২২/২০১০, ২৭/২০১০ ও অত্র সার্কুলার) সুবিধা (অতিরিক্ত নগদ সহায়তা ও বিশেষ সুবিধা) কোন রপ্তানিকারক কর্তৃক যুগপৎভাবে গ্রহণ করা যাইবে না। একইভাবে এফই সার্কুলার নং ৯, তারিখ মার্চ ০৫, ২০০১ এর মাধ্যমে কোন রপ্তানিকারক নগদ সহায়তা সুবিধা প্রাপ্ত হইলে অত্র সার্কুলার অনুযায়ী বিশেষ সুবিধা প্রাপ্য হইবে না।

(জ) রপ্তানিমূল্যের বিষয়ে কোন অস্পষ্টতা দেখা দিলে বা তথ্য সংগ্রহের প্রয়োজন হইলে সংশ্লিষ্ট ব্যাংক ও অডিট ফার্ম, রপ্তানি উন্নয়ন ব্যুরো, টি সি বি বিল্ডিং, ০১ কাওরান বাজার, ঢাকা (রপ্তানিমূল্য সম্পর্কিত তথ্য) হইতে পরামর্শ গ্রহণ করিবে।

**০৫। বিশেষ সুবিধা অনিয়মিতভাবে পরিশোধের শাস্তিমূলক ব্যবস্থাাদি :**

(ক) বিশেষ সুবিধা নিয়ম বহির্ভূতভাবে পরিশোধ করা হইলে পরিশোধকৃত অর্থ বাংলাদেশ ব্যাংকের সহিত রক্ষিত পরিশোধকারী ব্যাংকের হিসাব বিকলনপূর্বক আদায় করিয়া লওয়া যাইবে।

(খ) এই অনিয়মের সংগে জড়িত ব্যাংক কর্মকর্তা/কর্মচারীদের বিরুদ্ধে প্রচলিত বিধি মোতাবেক প্রয়োজনীয় শাস্তিমূলক ব্যবস্থা গ্রহণ করা যাইবে।

**০৬। বিশেষ সুবিধা পরিশোধের জন্য বাংলাদেশ ব্যাংক হইতে ইমপ্রেস্ট তহবিল সংগ্রহ ও পুনঃযোগান প্রাপ্তির প্রক্রিয়া :**

অনুমোদিত ডিলার ব্যাংক কর্তৃক গৃহীত এবং বাংলাদেশ ব্যাংক প্রধান কার্যালয়ের একাউন্টস এন্ড বাজেটিং ডিপার্টমেন্টে রিপোর্টকৃত বিশেষ সুবিধার দাবীর পরিমানের বিপরীতে সরকার কর্তৃক প্রথম কিস্তিতে ছাড়কৃত অর্থের পরিমানের উপর ভিত্তি করিয়া বাংলাদেশ ব্যাংক দাবীর আনুপাতিক হারে প্রথম বার ইমপ্রেস্ট তহবিল ব্যাংকসমূহের প্রধান কার্যালয়ের অনুকূলে প্রদান করিবে। পরবর্তীতে, বিভিন্ন ব্যাংকের মাধ্যমে বিশেষ সুবিধা পরিশোধ নিষ্পত্তির গড় মাসিক অংকের ভিত্তিতে দুই মাসের অনুমিত প্রয়োজনের পরিমান তহবিল বাংলাদেশ সরকারের পক্ষ হইতে অর্থ ছাড়করণ সাপেক্ষে বাংলাদেশ ব্যাংক ইমপ্রেস্ট আগাম আকারে ব্যাংকসমূহের প্রধান কার্যালয়ের অনুকূলে প্রাথমিকভাবে হস্তান্তর করিবে। ইমপ্রেস্ট তহবিল ব্যবহারের বিষয়ে ব্যাংকসমূহ ফরম-গ তে প্রদত্ত ছকে বাংলাদেশ ব্যাংক প্রধান কার্যালয়ের একাউন্টস এন্ড বাজেটিং ডিপার্টমেন্টের মহাব্যবস্থাপকের বরাবরে মাসিক বিবরণী পরবর্তী মাসের দুই সপ্তাহের মধ্যে দাখিল করিবে। এই বিবরণী অনুসারে ইমপ্রেস্ট আগামের মাসান্তের সমাপনী স্থিতি যদি পরবর্তী মাসের জন্য অনুমিত প্রয়োজনীয় অংক অপেক্ষা কম হয় (পূর্ববর্তী তিন মাসের গড় মাসিক পরিশোধের অংককে পরবর্তী মাসের জন্য সম্ভাব্য প্রয়োজন বলিয়া বিবেচিত হইবে) তবে ইমপ্রেস্ট আগাম প্রয়োজনীয় মাত্রায় উন্নীত করিবার জন্য পুনঃযোগানের অনুরোধ সম্বলিত আবেদনও মাসিক বিবরণীর সংগে একাউন্টস এন্ড বাজেটিং ডিপার্টমেন্টে দাখিল করিতে হইবে। ইমপ্রেস্ট আগামের ব্যাংকওয়্যারী স্থিতি পর্যালোচনায় ব্যবহারের গতির প্রেক্ষিতে একাউন্টস এন্ড বাজেটিং ডিপার্টমেন্ট সংশ্লিষ্ট ব্যাংককে প্রদত্ত ইমপ্রেস্ট আগাম হইতে এক মাসের সম্ভাব্য চাহিদার অতিরিক্ত অংক ফেরত চাহিতে পারে।

সংশ্লিষ্ট সকল পক্ষকে এতদমর্মে অবহিতকরণের জন্য অনুরোধ জানানো যাইতেছে।

আপনাদের বিশ্বস্ত,

(খন্দকার আব্দুস সেলিম)

উপ-মহাব্যবস্থাপক

ফোন : ৭১২০৩৭৫

(অনুচ্ছেদ ০৩(ক) এফই সার্কুলার নং- ২৮/২০১০ দ্রষ্টব্য)

**বিশেষ সুবিধার জন্য আবেদনপত্র ।**

- (ক) আবেদনকারী প্রতিষ্ঠানের নাম ও ঠিকানা .....
- .....
- রপ্তানি নিবন্ধন সনদপত্র নম্বর .....
- (খ) রপ্তানি ঋণপত্র/চুক্তিপত্র নম্বর, তারিখ ও মূল্য.....
- .....
- (পাঠযোগ্য সত্যায়িত কপি দাখিল করিতে হইবে)

(গ) রপ্তানিকৃত পণ্য উৎপাদনে ব্যবহৃত উপকরণাদির সংগ্রহসূত্র :

(১) দেশীয় উপকরণাদিঃ

সরবরাহকারীর নাম ও ঠিকানা	পণ্যের নাম ও পরিমাণ	অভ্যন্তরীণ ব্যাক টু ব্যাক ঋণপত্র/ঋণপত্র/ডকুমেন্টারী কালেকশন নম্বর, তারিখ	মূল্য
১	২	৩	৪

(৩ নং কলামে উল্লিখিত ঋণপত্রগুলির পাঠযোগ্য সত্যায়িত কপি দাখিল করিতে হইবে। রপ্তানি পণ্যের বর্ণনা, পরিমাণ, মূল্য এবং সংগ্রহসূত্রের বিষয়ে বিজিএমইএ/বিকেএমইএ/বিটিএমএ/বিটিটিএলএমইএ প্রদত্ত সনদপত্র দাখিল করিতে হইবে।)

(২) আমদানিকৃত উপকরণাদিঃ

সরবরাহকারীর নাম ও ঠিকানা	পণ্যের নাম ও পরিমাণ	আমদানি ঋণপত্রের নম্বর, তারিখ	মূল্য
১	২	৩	৪

(৩ নং কলামে উল্লিখিত ঋণপত্রগুলির পাঠযোগ্য সত্যায়িত কপি দাখিল করিতে হইবে।)

(ঘ) রপ্তানি চালানের বিবরণ :

পণ্যের বর্ণনা	পরিমাণ	ইনভয়েস মূল্য (বৈদেশিক মুদ্রায়)	জাহাজীকরণের তারিখ	ইএক্সপি নম্বর	বৈদেশিক মুদ্রায় প্রত্যাবাসিত রপ্তানি মূল্য ও প্রত্যাবাসনের তারিখ
(১)	(২)	(৩)	(৪)	(৫)	(৬)

(রপ্তানি ইনভয়েস, প্যাকিং লিষ্ট এবং বিল অব লেডিং/এয়ারওয়ে বিল ইত্যাদির সত্যায়িত পাঠযোগ্য কপি এবং মূল রপ্তানিমূল্য প্রত্যাবাসন সনদপত্র (পিআরসি) দাখিল করিতে হইবে।)

(ঙ) বিশেষ সুবিধার আবেদনকৃত অংক :

(মার্কিন ডলারে)

প্রত্যাবাসিত রপ্তানিমূল্য	প্রযোজ্য ক্ষেত্রে জাহাজ ভাড়ার পরিমাণ	বৈদেশিক মুদ্রায় বিদেশে পরিশোধ্য কমিশন, ইনসুরেন্স ইত্যাদি (যদি থাকে)	এফওবি রপ্তানি মূল্য (১)-(২+৩)	স্থানীয় মূল্য সংযোগের পরিমাণ ২৫ (৪) × ----- ১০০	প্রাপ্য বিশেষ সুবিধা * (৫) × ----- ১০০
(১)	(২)	(৩)	(৪)	(৫)	(৬)

\* ২ নং অনুচ্ছেদে উল্লিখিত হার।

(প্রযোজ্য ক্ষেত্রে জাহাজ ভাড়ার উল্লেখ সম্বলিত ফ্রেইট সার্টিফিকেটের সত্যায়িত কপি দাখিল করিতে হইবে)

এই মর্মে অঙ্গীকার করা যাইতেছে যে, ২০০৮-২০০৯ অর্থ বছরে আপমাদের প্রতিষ্ঠানের রপ্তানির পরিমাণ মাঃডঃ ----- এবং আমাদের প্রতিষ্ঠান বৃহৎ প্রতিষ্ঠানের অংগ প্রতিষ্ঠান নহে। ক্ষুদ্র ও মাঝারি প্রতিষ্ঠান হিসাবে আমাদের নিজস্ব কারখানায় প্রক্রিয়াজাত/উৎপাদিত পণ্য রপ্তানির বিপরীতে বিশেষ সুবিধার জন্য আবেদন করা হইল। এই আবেদনপত্রে প্রদত্ত তথ্যাদি/ঘোষণা সম্পূর্ণ সঠিক। যদি পরবর্তীতে ইহাতে কোন ভুল/অসত্য/প্রতারণা/জালিয়াতি প্রমাণিত হয় তবে গৃহীত সহায়তার সমুদয় অর্থ বা উহার অংশবিশেষ আমার/আমাদের নিকট হইতে আমার/আমাদের ব্যাংক হিসাব হইতে আদায় করিয়া লওয়া যাইবে।

তারিখ : .....

.....

আবেদনকারী প্রতিষ্ঠানের স্বত্বাধিকারী/  
ক্ষমতাপ্রাপ্ত কর্মকর্তার স্বাক্ষর ও পদবী।

(চ) বিশেষ সুবিধাপ্রদানকারী ব্যাংক শাখা কর্তৃক পূরণীয় :

প্রত্যাবাসিত রপ্তানিমূল্য (বৈদেশিক মুদ্রায়)	বৈদেশিক মুদ্রায় বিদেশে পরিশোধ্য কমিশন, ইনসুরেন্স ও প্রযোজ্য ক্ষেত্রে জাহাজ ভাড়া বাবদ মোট বিয়োজন	এফওবি রপ্তানিমূল্য (বৈদেশিক মুদ্রায়) (১)-(২)	স্থানীয় মূল্য সংযোগের পরিমাণ ২৫ (৩) × ----- ১০০	পরিশোধ্য সহায়তার পরিমাণ (টাকায়) : * (৪)×----- × রপ্তানিমূল্য প্রত্যাবাসন তারিখে সংশ্লিষ্ট বৈদেশিক মুদ্রার ওডি সাইট ক্রেয় মূল্য ১০০
(১)	(২)	(৩)	(৪)	(৪)

\* ২ নং অনুচ্ছেদে উল্লিখিত হার।

পরিশোধিত সুবিধার পরিমাণ (টাকায়) :

পরিশোধের তারিখ :

.....

বিশেষ সুবিধাঅনুমোদনের ক্ষমতাপ্রাপ্ত  
ব্যাংক কর্মকর্তার স্বাক্ষর, নাম ও পদবী।

(অনুচ্ছেদ ০৪(গ) এফই সার্কুলার নং-২৮/২০১০ দ্রষ্টব্য)

ফরম-‘খ’

এফ.ই সার্কুলার নং ২৮/২০১০ মোতাবেক বিশেষ সুবিধা পরিশোধের \_\_\_\_\_/২০.. মাসের বিবরণী

অনুমোদিত ডিলার ব্যাংক শাখার নাম :.....

বিশেষ সুবিধার আবেদনকারী প্রতিষ্ঠানের নাম ও ঠিকানা	সংশ্লিষ্ট রপ্তানির তথ্যাদি					পরিশোধিত সুবিধার অংক (টাকায়)	পরিশোধের তারিখ	পূর্ববর্তী কোনও অতিরিক্ত পরিশোধ থাকিলে উহা ফেরত আদায়ের অংক (টাকায়)	শাখায় প্রাপ্ত অনিচ্ছন্ন আবেদনের	
	পণ্যের বর্ণনা	জাহাজীকরণ তারিখ ও গন্তব্য বন্দর	ইএক্সপি নম্বর	মোট প্রত্যাবাসিত রপ্তানিমূল্য (বৈদেশিক মুদ্রায়)	প্রত্যাবাসিত এফওবি মূল্য (বৈদেশিক মুদ্রায়)				সংখ্যা	দাবীকৃত অংক (টাকায়)
(১)	(২)	(৩)	(৪)	(৫)	(৬)	(৭)	(৮)	(৯)	(১০)	(১১)

দাপ্তরিক সীল মোহর।

ক্ষমতাপ্রাপ্ত ব্যাংক কর্মকর্তার স্বাক্ষর, তারিখ,  
নাম, ও পদবী

(অনুচ্ছেদ ০৬ এফ, ই সার্কুলার নং- ২৮/২০১০ দ্রষ্টব্য)

ফরম-‘গ’

এফ,ই সার্কুলার নং ২৮/২০১০ মোতাবেক  
বিশেষ সুবিধা বাবদ ইমপ্রেস্ট হিসাবের ..... সনের ..... মাসের বিবরণী।  
..... ব্যাংক, প্রধান কার্যালয়, ঢাকা।

ইমপ্রেস্ট হিসাবের প্রারম্ভিক স্থিতি (টাকায়)	প্রতিবেদনাধীন মাসে বাংলাদেশ ব্যাংক হইতে পুনঃযোগান প্রাপ্তি		শাখাসমূহ কর্তৃক পূর্ববর্তী পরিশোধ সমূহের বিপরীতে এক্সপোর্ট ক্রেইম বা অন্যবিধ কারণে পরবর্তী সমন্বয় বাবত ফেরত আদায়ের অংক (যদি থাকে) (টাকায়)	প্রতিবেদনাধীন মাসে অনুমোদিত ডিলার শাখাসমূহ কর্তৃক পরিশোধ		মাসান্তের সমাপনী স্থিতি (টাকায়) [(১+৩+৪)-৬]	শাখাসমূহে প্রাপ্ত আবেদনের		পরবর্তী মাসের পরিশোধের জন্য ইমপ্রেস্ট হিসাবের প্রয়োজনীয় পুনঃযোগানের পরিমাণ (টাকায়)(৯- ৭)*
	তারিখ	পরিমাণ (টাকায়)		আবেদনের সংখ্যা	মোট পরিশোধ (টাকায়)		সংখ্যা	দাবীকৃত অংক (টাকায়)	
(১)	(২)	(৩)	(৪)	(৫)	(৬)	(৭)	(৮)	(৯)	(১০)

(\* ৭নং কলামে উল্লিখিত সমাপনী স্থিতি ৯নং কলামে উল্লিখিত পরিমাণ হইতে কম হওয়ার ক্ষেত্রে ১০ নং কলামে উল্লিখিত  
অংকের পুনঃযোগান চাহিয়া বাংলাদেশ ব্যাংকের প্রধান কার্যালয়ের একাউন্টস এন্ড বাজেটিং ডিপার্টমেন্টে পত্র দিতে হইবে)।

দাপ্তরিক সীল মোহর।

ক্ষমতাপ্রাপ্ত ব্যাংক কর্মকর্তার স্বাক্ষর, তারিখ, নাম ও পদবী

বিজিএমইএ/বিকেএমইএ/বিটিএমএ/বিটিটিএলএমইএ কর্তৃক প্রদেয় সনদপত্রবিশেষ সুবিধা প্রাপ্তির সনদ পত্র।

১।	আবেদনকারী প্রতিষ্ঠানের নাম	:		
	ঠিকানা	:		
২।	রপ্তানি ঋণপত্র/চুক্তিপত্র নম্বর :	তারিখ	:	মূল্যমান :
৩।	বিদেশী ফ্রেতার নাম :			
	ঠিকানা :			
৪।	ফ্রেতার ব্যাংকের নাম :			
	ঠিকানা :			
৫।	ক) ইনভয়েস নম্বর :	তারিখ	:	
	খ) ইনভয়েসে উল্লেখিত পণ্যের পরিমাণ :	মূল্য	:	
৬।	ক) রপ্তানি পণ্যে ব্যবহৃত স্থানীয় ও আমদানিকৃত উপকরনাদির বর্ণনাঃ		পরিমাণ :	মূল্য :
	খ) সংগ্রহসূত্র (সরবরাহকারীর নাম ও ঠিকানা)ঃ			
৭।	ক) রপ্তানি পণ্যের বিবরণ :			
	খ) প্রকৃত রপ্তানিকৃত পণ্যের পরিমাণ :	মূল্য	:	
৮।	জাহাজীকরনের তারিখ :	গন্তব্য বন্দর	:	
৯।	ইএক্সপি নম্বর :	তারিখ	:	মূল্য :
১০।	মোট প্রত্যাবাসিত রপ্তানিমূল্য (বৈদেশিক মুদ্রায়)	:		
১১।	প্রত্যাবাসিত রপ্তানি মূল্যের সনদপত্র নম্বর	:	তারিখ	:
১২।	নীট এফওবি মূল্য	:		

(রপ্তানিকারকের স্বাক্ষর ও তারিখ)

এতদ্বারা প্রত্যয়ন করা যাইতেছে যে, ২০০৮-২০০৯ অর্থ বছরে আপমাদের প্রতিষ্ঠানের রপ্তানির পরিমাণ মাঃডঃ ----- এবং আমাদের প্রতিষ্ঠান বহু প্রতিষ্ঠানের অংগ প্রতিষ্ঠান নহে। ক্ষুদ্র ও মাঝারি প্রতিষ্ঠান হিসাবে আমাদের নিজস্ব কারখানায় প্রক্রিয়াজাত/উৎপাদিত পণ্য রপ্তানির বিপরীতে বিশেষ সুবিধার জন্য উপরোক্ত অনুচ্ছেদসমূহের বক্তব্য সঠিক ও নির্ভুল। বিদেশী ফ্রেতা/আমদানিকারকের ক্রয়াদেশের যথার্থতা/বিশ্বাসযোগ্যতা সম্পর্কেও নিশ্চিত করা হইল।

রপ্তানিকারকের স্বাক্ষর ও তারিখ

রপ্তানিকারকের উপরোক্ত ঘোষণাগুলির যথার্থতা যাচাইয়ে সঠিক পাওয়া গিয়াছে; ঘোষিত রপ্তানিমূল্য যুক্তিযুক্ত ও বিদ্যমান আন্তর্জাতিক বাজার মূল্যের সংগে সংগতিপূর্ণ পাওয়া গিয়াছে। প্রত্যাবাসিত মূল্যের অনুকূলে উপরোক্ত রপ্তানিকারককে ক্ষুদ্র ও মাঝারি শিল্প প্রতিষ্ঠান বিবেচনায় বিশেষ সুবিধা প্রদানের জন্য সুপারিশ করা হইল।

বিজিএমইএ/বিকেএমইএ/বিটিএমএ/বিটিটিএলএমইএ এর দুইজন কর্মকর্তার স্বাক্ষর ও সীল

কোন প্রকার ঘষামাজা, কাটাছেঁড়া বা সংশোধন করা হইলে এই প্রত্যয়নপত্র বাতিল বলিয়া গণ্য হইবে।